

2023 жылғы ақпан айына Қазақстан бойынша ауа райы болжамы.

Ақпанның бірінші онкүндігінде республиканың *оңтүстік жартысының тұрғындарын* жылы және жауын-шашынды ауа-райы күтеді. Оңтүстік циклондардың жиі шығуы қарқынды жауын-шашынның түсуіне әкеледі, Қазақстанның оңтүстігі мен оңтүстік-шығысындағы таулы аудандарында қатты жауын-шашын (жаңбыр, қар) күтіледі. Ауа температурасы түнде $-2+5^{\circ}\text{C}$ -қа дейін, күндіз $+5+12^{\circ}\text{C}$ -қа дейін жоғарылайды. Онкүндіктің соңында қайтадан түнде $-3-15^{\circ}\text{C}$ -қа дейін, күндіз $0,+8^{\circ}\text{C}$ -қа дейін салқындайды.

Еліміздің батыс аймақтарына Солтүстік-батыс циклонмен байланысты атмосфералық фронттар әсер етеді, бірінші онкүндікте батыс аймақтардың тұрғындарын ауа-райының тұрақсыз сипаты, жаңбыр мен жылбысқы қар түріндегі аралас жауын-шашын мен екпінді жел күтеді. Ауа температурасының күндізгі фоны $-3+5^{\circ}\text{C}$ шегінде болжанады.

ҚР қалған аймақтарында бірінші онкүндіктің бірінші жартысында Сібір антициклонының әсерімен аязды, негізінен жауын-шашынсыз ауа райы сақталады. Кезеңнің екінші жартысында Сібір антициклоны әлсірейді, Жерорта теңізі аудандарынан циклон республиканың солтүстік-батысына қарай жылжиды, еліміздің солтүстік жартысында атмосфералық фронттардың күшеюімен қар жауы, бұрқасын, желдің күшеюі $15-25$ м/с дейін болжанады.

Ауа температурасы жоғарылайды:

еліміздің солтүстігінде түнде $-20-28^{\circ}\text{C}$ -тан $-15-20^{\circ}\text{C}$ -қа дейін, күндіз $-8-18^{\circ}\text{C}$ -тан $-5-10^{\circ}\text{C}$ -қа дейін;

орталық аймақтарда ауа температурасы түнде $-13-28^{\circ}\text{C}$ -тан $-7-15^{\circ}\text{C}$ -қа дейін, күндіз $-7-12^{\circ}\text{C}$ -тан $-1-7^{\circ}\text{C}$ -қа дейін ауытқиды;

еліміздің шығысында ауа температурасының басым фоны түнде $-15-28^{\circ}\text{C}$, күндіз $-5-15^{\circ}\text{C}$ шамасында болжанады.

Ауаның орташа айлық температурасы республиканың басым бөлігінде *норма шамасында*, Шығыс Қазақстан облысында, Абай облысының басым бөлігінде, Павлодар облысының солтүстік-шығыс жартысында, Маңғыстау облысының оңтүстік-шығысында, Ақтөбе облысының қиыр оңтүстігінде, Қызылорда, Түркістан, Жамбыл, Алматы облыстарының оңтүстік жартысында және Жетісу облысының оңтүстік-шығыс жартысында *нормадан 1° жоғары* болады деп күтілуде.

Ағымдағы жылдың ақпан айында жауын-шашын мөлшері республиканың басым бөлігінде *норма шамасында*, Түркістан, Жамбыл облыстарында, Қызылорда, Алматы облыстарының басым бөлігінде, Шығыс Қазақстан облысының оңтүстік-шығыс жартысында, Абай облысының қиыр оңтүстік-шығысында және Жетісу облысының оңтүстік-шығыс жартысында *нормадан көп* болады деп болжануда.

Ақпанның екінші және үшінші онкүндіктерінде республика бойынша ауа-райының тұрақсыз сипаты болжанады: еліміздің басым бөлігінде негізінен қармен бұрқасын, ҚР оңтүстігінде жауын-шашын (жаңбыр, қар), тұман, көктайғақ күтіледі.

Ауа температурасының ауытқуы күтілуде:

еліміздің батыс өңірлерінде түнде $-15-25^{\circ}\text{C}$ -тан $-7-15^{\circ}\text{C}$ -қа дейін, күндіз $-5-10^{\circ}\text{C}$ -тан $-5+5^{\circ}\text{C}$ -қа дейін;

республиканың солтүстік, орталық және шығыс өңірлерінде түнде $-20-30^{\circ}\text{C}$ -тан $-10-15^{\circ}\text{C}$ -қа дейін, күндіз $-10-15^{\circ}\text{C}$ -тан $-2-7^{\circ}\text{C}$ -қа дейін;

ҚР оңтүстігінде, оңтүстік-шығысында түнде $-10-18^{\circ}\text{C}$ -тан $0,-5^{\circ}\text{C}$ -қа дейін, күндіз $0,-5^{\circ}\text{C}$ -тан $+3+10^{\circ}\text{C}$ -қа дейін.